

職方典第一千四百二十二卷

思恩府部彙考四

思恩府物產考

府志

府總

穀屬

稻有三種曰糯曰粘曰粳

禾有旱禾種禾旱禾之分米大顆而香味長而耐饑以九十月

間登場收穫時連草逐莖摘之盈把終歲不脫用時必日曝火炕用杵擊之谷始脫種旱禾米小而味薄收之常旱旱禾種在高阜可不賴雨澤民田少多種此以養生 粟有狗尾粟三

角粟二種

豆有紅黑綠黃四種有大豆小豆之殊

麻有油麻黑麻二種

蔬屬

雷公菜產於樹間雷卽生菜如茶梗無葉色綠味甘

果屬

蘿旺子俗名九層皮形類蠶豆可茹味如煨栗外有黑殼連肉有皮九層故名產於山樹中
木屬

鐵力木一名石鹽一名鐵稜棟梁之材 松有山松水松二種 楓似白楊有脂香木厚

葉弱 椅有赤白二種 桐可爲琴瑟 榕卷曲不可爲材 桃柳結子成墜

漆液可漆物 穀皮可作紙 烏桕子可榨油

花草之屬

木棉又名攀枝花 扶桑花似牡丹葉如桑 長命草一名龍牙葉厚黃花經年不枯

益母草治產婦小兒諸證 紫蘇可化氣 虎耳草叢生澤中似虎耳一名旱草 接

骨草苗似竹節能續斷骨 馬鞭草能治疔 薏苡能補氣 艾針灸所用 扶留

俗名田薺 蒲生水涯 萍俗曰蘼 菱筍可食 蓼詩傳在陸爲茶在水爲蓼

芭蕉治膾毒 薜荔俗名爬城草 苦地膽治毒瘡 刀鎗草細葉黃花 菅爾雅

云白葉生野間 顛茄食之令人狂亂 鷄母草塗箭射禽立死 鳳尾草形如鳳尾

故名 悶陀羅食之令人顛迷 斷腸草一名胡蔓又名治萬人食之立死中其毒者以

羊血灌之卽愈嶺南衛生方治胡蔓草毒取抱卵未生鷄子細研和油挖口灌之乃吐而甦

羽屬

鳧俗名蜺鴨 鸛鶯埤雅云吐生 鷹飛鳴則風蹲鳴則雨 伯勞仲夏之月始鳴

竹雞聲若云姑惡 鴉純黑而反哺者爲慈烏 山鷄雄者有文綵尾如雉 秦吉了

能作人言

鱗介之屬

鱒赤眼 鱒白色 鰕俗名魚婢 鱖俗名鮓 鰱頭銳 鯖俗名青竹 長

頭一名胖頭 鑽卽穿沙魚 荷葉形如荷葉故名 塘虱似鮓而差小 鱧有黃

白二種 龜有神龜水龜 鼈一名神守 蜺本草開胃去熱毒 鯪鯉甲卽穿山

甲 田鷄俗名蛤 螻蛄小田雞而無腰 螺螄各屬俱有惟產於安定土司與古隆

城頭者獨異土民取置高閣稍受煙火雖經寒暑取用猶鮮若畜之於水反難存活出三日餒

敗不可食矣

按安定土司志魚產韋太村水大者至數十百觔土人用藥毒之則下流二

派小江鱗鮮絕跡因知韋太村水源實司中之魚淵也

藥屬

蛤蚧產武緣縣

縮砂出葛墟

薏出樂昌村

白蘘荷又名地蠶形如木蠹菹服羣

蟲毒

莪朮

澤蘭

茶薺

香附

蓖麻

仙茅

金櫻子

桑白皮

山茨菰

貨屬

草紙出舊城土司

篾簾凡土屬俱有

藤可作器用

蔓藤食檳榔則用此葉以助

之

思恩府古蹟考

府志

本府

思恩土州舊城在秦城山內四圍皆山環列如城缺處以磚石補築開四門皆有壕塹城內八峯天然險峻卽今舊城土司之城也 思恩府舊城在府北四十里喬利地方周圍皆山包

巖險爲城峭壁攢叢如處戈矛劍戟中屬白山土司地方

飛來寺在府東四十里大明山

中見皇輿考今不知所在

南郭溪橋南門外雙溪合流石梁高跨兩岸竹木扶疎三石參

差如畫橋北有古榕二株夾道盤旋儼如門戶綠陰蒼藹樾陰數畝盛暑憩此涼氣颯然如秋

寶珠池沼南關外有池方數十畝中有一臺廣數丈水環臺外如珠浴波心此寶珠之命名也

臺上建有小亭亭畔古松一株勢甚磊落松側有木棉一本當春花開放丹色滿枝與蒼松映

對有如秋山之觀楓葉下則架木爲橋以通遊屐景雖不大布置天然登斯亭而撫長松亦可

以寄嘯歌矣

獅巖幽邃

九司霜降每歲霜降九土司帶領土兵出哨齊至教場祭旗

操演蠻兵結隊裝束各異或皮鎧兜鍪絡以長纓或氍毹絨衣結束大帶或綵繒纏頭以別伍或畫衣飾甲以分營金鼓喧闐旗旛焜耀操畢各領牛酒依方位割隊席地雜沓而飲是日商賈輻輳遠近畢集各就教場貿易竟日方散邊境荒涼終歲僅有此日可觀 鳳凰飲河府

治形如鳳凰登北山下瞰河曲兩沙如張翼城南地狹屈曲如項至水月庵前爲鳳凰首下飲於河府東門名鳴鳳又門外有山曰朝天嶺鳳凰飲河不益信乎 玉印仙龜卽玉印山

秀峯月朗卽獨秀山在喬利舊城孤峯千仞突起平地當月上中宵恍疑玉兔之掛薜蘿間也紅江剝濟卽紅水河當春夏之交紅水漲發河闊百餘丈赤浪頽激奇險非常河無巨舟漢人至其地多不敢渡惟夷人以刳木爲渡常汨沒波浪中無恐也

武緣縣

樂昌縣在縣蘇村唐晉興縣宋初置景祐中省入武緣見一統志 封陵縣在縣南境唐乾

元後開山洞置宋開寶中省見一統志 永寧縣在永寧北倉 硃砂驛舊址在縣城南

門外今南庠社學地 黃桐驛舊址在止戈三圖黃桐村 高井寨巡檢司在永寧七圖

分守道署址在縣南街正統二年設今圯 分巡道署址在縣南門正統二年設今圯

河泊所舊址在縣西門外洪武十四年設今圯 修文書院在縣東知縣劉浩建萬曆八年

廢 所前市宋天聖九年設明嘉靖二十九年廢 儂智高營壘一在暗山頂一在紫嶺

上皆在本縣地方林木陰藹石磊攢聚人遊其地凜凜有殺伐之氣 朝天巖在縣西四十

里石壁有古題六大字至今墨跡猶存詳見山川仙女洞下 瑞蓮亭在縣舊學址池中

籌邊樓在城東景泰二年建 馬跑泉在縣南二十五里天井嶺上相傳儂智高崑崙之敗

西奔至此人馬俱渴馬跑石高拔劍穿之水出得濟今劍痕跡尙存云 發金井在縣南二

十里紫金嶺上相傳昔有發井得古遺金者 明山疊翠卽大明山在縣東八十里與上林

縣抵界高數百丈袤三百里爲武緣諸山之最上有風穴有廟甚靈應又名鎮鄆山一統志云

昔人得古劍於此因名 靈水澄清卽靈犀水在縣南二里江底平石源泉湧沸夏月江水

漲潦混濁此獨清澈日光薄射五色晶瑩上有真武廟祈禱輒應一統志云昔有犀出水岸頂

有光彩 伊嶺丹爐卽伊嶺山在縣南三十里樂昌一圖有村墟上有巖極深邃宋嘉定間

周師慶結庵修煉坐化巖中有古刻詩像銘後贊人名其巖曰望仙巖 西江石鼓卽西江

在縣西門外源出大名山流抵西門遠五海會南流出宣化大江水中有石鼓傳云擊之致風

雨 三潮泉水卽三潮水在縣西一百三十里出南山前有廟水一日潮汐者三 六字

仙巖卽仙女洞在縣西

羅坡龍窟卽羅坡潭在縣東四十里深不可測土官岑瑛砌石城

立廟其上

西隆州

西林縣

白山土司古蹟俱無考

興隆土司

旗山在司東五里有羅隱仙蹟刻旗山帶水四字

七首山在司西六十里高嶺峭壁起

伏七峯似七人首相傳古姊妹七人學仙於此中冲舉而去

定羅土司

岑瑛城一在下旺土司一在本司按司志在司治東距司二十里相傳明正統年間土官岑瑛

有神術夜役陰兵壘石爲城至今如故但內無人居止有一廟甚爲靈顯城亦無名以瑛所築

人卽呼爲岑瑛城

感土山在司東二十里秀麗清幽中有巖穴明正統年間土官岑瑛洗

石刻鎮安二字於上若有風雨其頂先有雲起故逢亢旱人皆仰之按司志卽感山石燕山中

有石燕風雨則飛舞翱翔晴明則墮而爲石

那馬土司

周鹿石城卽那馬土司城明正統間土官岑瑛有神術行兵屯營夜役陰兵壘石城一座周圍七十丈相傳岑瑛圍獵守鹿於此因以得名土音訛守爲周故遂名周鹿云

舊城土司古蹟無考

都陽土司

強山在司南一百二十里峯巒高聳下有石巖相傳羅隱曾隱於此題刻順山隱巖四大字石槽遺跡今尙宛然 旦山在司東北十五里山下有洞虛敞清幽怪石林立狀類人物兼有石笋石座等異物昔有樵者遇神人於此端拱對語須臾不見至今遺跡尙存遠望亭亭獨立如梨園中唱旦之竚立優場故俗名旦山

古零土司

古零堡在司治左勞山下不知建自何時相傳古設堡於此地今遺趾猶存尙堪模擬 金

剛寨在司治右瓦屋數楹在於虎頭山背相傳爲昔年思恩土州官岑瑛壘石所創雖歷滄桑

不頽故至今歸然獨存如有神護

安定土司

砦油山在安定司西北二十五里山勢崔嵬摩漢干霄旁有石磴欹崎可梯而上好事牧兒登其巔者往往見有署宇臺榭城門啟閉在依稀間內列金銀器具輝煌心目稍萌覬覦竊攘之念則陰霾四起雷雨交作凜然不敢仰視削削而下天氣清爽如初歷傳此山爲往昔蠻王岑順屯駐之地歿而爲神故有此異但岑順不知爲何代人無可稽者

墳墓附

韋公墓在武緣縣東北一百里相傳韋將軍征蠻終於此鄉人斂骨瘞之 周師慶遺蛻在

武緣縣南伊嶺山相傳師慶坐化於此後人名曰望仙巖

思恩府猛獠峒蠻考

明

太祖洪武二十二年思恩州知州岑永昌入貢 按明外史土司傳思恩漢屬交趾唐爲思恩

州屬邕元屬田州路洪武二十二年田州府知府岑堅遣其子思恩州知州岑永昌貢方物
二十八年命都督楊文討岑永昌旣而罷之 按明外史土司傳二十八年歸德州土官黃碧
言思恩州知州岑永昌旣匿五縣民不供賦稅仍用故元印章帝以其不奉朝命命左都督楊
文相機討之旣以荒遠不問

宣宗宣德二年思恩州知州岑瑛入貢 按明外史土司傳永樂中岑永昌死子瑛襲宣德二
年瑛遣弟璫來朝貢馬

英宗正統三年以思恩州爲思恩府命知州岑瑛知府事 按明外史土司傳正統三年陞思
恩州知州岑瑛爲田州府知府仍掌州事瑛有謀略善治兵從征蠻寇皆有功故特有是命因
與知府岑紹交惡各具奏聞事下總兵官及三司議至是安遠侯柳溥等請陞思恩州爲府俾
瑛紹各守疆土以杜侵奪從之

六年三月思恩府知府岑瑛有罪宥之 按明外史土司傳六年三月瑛受囑挾詐事覺帝以
土蠻宥不問令法司移文戒之

代宗景泰四年免思恩府出哨土兵田糧給思恩府知府岑瑛勅及部兵韋陳威等冠帶 按明外史土司傳景泰四年總兵官陳旺奏思恩軍民府土兵調赴桂林哨守者離本府遼遠農田不得耕種稅糧暫宜免徵從之六月以岑瑛親率本部狼兵韋陳威等赴城操練協助軍威勅授奉議大夫賜綵緞其韋陳威等俱給冠帶

五年十一月詔免思恩土兵今年應輸田糧之半 按明外史土司傳云云

十二月進思恩府知府岑瑛官 按明外史土司傳十二月以征徭功陞瑛從二品散官

六年陞岑瑛爲右參政賜勅獎諭 按明外史土司傳六年陞瑛爲右參政先是瑛屢從征調以子鎮代知府事鎮招集無賴肆爲不法瑛舉發其事請於總兵四府治之鎮聞其父將至自縊死事聞上嘉其能割恩効忠特降勅慰諭

是年免思恩府調用土兵秋糧 按明外史土司傳六月從安遠侯柳溥奏免思恩軍民府調用土兵千五百人秋糧二千三百餘石

英宗天順元年更定思恩府赴省土兵分班徵糧之制 按明外史土司傳天順元年瑛遣弟

岑遂貢金銀器皿賜鈔幣戶部奏廣西思恩軍民府存留廣西甲軍一千五百人操練有誤種田納糧乞分作三班輪流五百人操練免糧七百七十餘石放回一千人耕種徵糧千五百四十餘石俟地方寧妥放回全徵從之

三年以岑瑛子岑鏐爲思恩府知府 按明外史土司傳三年左少監朱祥奏請量遷岑瑛都司軍職帝以瑛歷練老成累有軍功改陞都指揮同知仍聽總兵官鎮守調用以其子鏐爲知府

六年思恩府知府岑鏐入貢 按明外史土司傳云云

憲宗成化元年遣官獎諭岑瑛父子并賜銀幣 按明外史土司傳成化元年遣兵科給事中王秉彝齎勅獎諭瑛父子并賜銀幣

二年給都指揮使岑瑛父母妻誥命如其官 按明外史土司傳二年命給瑛父母妻誥命從總兵趙輔請也

十四年都指揮使岑瑛卒 按明外史土司傳瑛自襲父職知思恩州事頻年領兵於外多捕

獲功歷陞知府參政都指揮使年八十尙在軍中既卒鏐以誥請帝念其勞特賜之

十六年田州府亂思恩府知府岑鏐討平之按明外史土司傳十六年田州府頭目黃明作

亂知府岑漚避入思恩府鏐會鎮守等官討平之巡撫朱英請獎鏐功鏐死子濬嗣

孝宗弘治五年春正月朔思恩府知府岑濬遣使入賀按明外史土司傳弘治五年濬遣頭

目朝賀元旦賜綵幣鈔錠

十二年思恩府知府岑濬挾田州岑猛叛總督都御史鄧廷瓚請討之按明外史土司傳十

二年田州岑漚爲子琥所殺琥亦死次子猛幼母岑氏同頭目黃驥赴鎮請襲歸至南寧頭目

李蠻率衆來迎驥誣其爲變遽請猛還而詣督府求兵乃命濬率衆護之驥厚賂濬并獻其女

約分田州府武龍六甲地濬分兵送猛至思恩蠻拒不納濬亦不歸猛久之總鎮等官攝濬乃

出猛於南寧督府納之田州猛襲知府從索故分地不得濬怒約泗城東蘭二州攻田州殺掠

萬計城郭爲墟濬兵二萬據舊田州劫龍州印納故知府趙源妻岑氏及總兵官詣田州勘治

驥匿濬所先是濬築石城於丹良莊屯兵千餘人截江道以括商利官命毀之濬以兵拒不從

會副總兵自田州還卽督所統官軍毀其城濬兵來救官軍敗之俘其目兵九人總鎮及巡按等官請治濬罪而參政武清納濬賂曲護之不能難也時濬叔業少從中官京師仕爲大理寺副三司總鎮請勅業往諭兵部以濬稔惡非業所能責善宜勅鎮巡召濬至軍門諭以朝廷威德罪其首惡令反侵地納所劫印并官私財物乃可赦十一月總督鄧廷瓚奏濬屢撫不服請調官軍士兵分哨逐捕按問如集兵拒敵可相機勦殺并將田州土官岑猛一并區處以靖邊疆

十七年岑濬陷田州府 按明外史土司傳十七年濬掠上林武緣等縣死者不可勝計又攻破田州府猛以身免濬擄其家屬五十餘人總鎮以聞兵部請調三廣兵剿之

十八年總督潘蕃等討岑濬誅之思恩平 按明外史土司傳十八年總督潘蕃太監韋經總兵毛銳調集兩廣潮廣官軍士兵十萬八千餘人分爲六哨副總兵毛倫右參政王璘由慶遠右參將王震左參將王臣及湖廣都指揮官纓由柳州左參將楊玉僉事丁隆由武緣都指揮金堂副使姜綰由上林都指揮何清參議詹璽由丹良都指揮李銘泗城州土舍岑接由工堯

各取道共抵賊巢賊分兵阻險拒敵官軍奮勇直前援崖而進溶勢感遁入舊城諸軍圍攻之
溶死城中獻其首於軍門思恩遂平前後斬捕四千七百九十級俘男女八百人得思恩府印
二向武州印一自進兵及班師僅踰月捷聞帝以蕃等有功賜璽書勞之

是年改設流官以廣西右參政張鳳掌思恩府事 按明外史土司傳兵部議溶既伏誅不宜

再錄其後應改設流官擇其可者於是以雲南知府張鳳陞廣西右參政掌思恩府事賜勅

世宗嘉靖四年都御史盛應期討思恩蠻平之 按明外史土司傳正德七年增設鳳化縣治
時初設流官諸蠻未服覃恩劉召相繼叛嘉靖四年都御史盛應期遣兵平之

六年土司王受作亂新建伯王守仁兵至受乃降 按明外史王守仁傳嘉靖六年思恩田州

土酋盧蘇王受反總督姚鏌不能定乃詔守仁以原官兼左都御史總督兩廣兼巡撫守仁在
道疏陳用兵之非且言思恩未設流官土酋歲出兵三千聽官征調既設流官我反歲遣兵數
千防戍是流官之設無益可知章下兵部尙書王時中條其不合者五帝令守仁更議十二月
守仁抵潯州會巡按御史石金定招撫蘇受初求撫不得聞守仁至益懼至是則大喜守仁赴